

Powšitkowne WOZJEWJENJA

njedźelu, 10. měrca 2019

Póstne seminary w Smochćicach k přichodej cyrkwyje

„Lóšt, nic hněw. Cyrkej mjez měrniwošću a wužadanjom“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 11. měrca, rěka tema „Wosada mjez strukturnej změnu a wjesołym poselstwom“. Hosćo budu Matthias Mader z Drježdźan, propst Clemens Hrjehor z Kamjenicy, Annett Teich z Borny, Manja Erler z Drježdźan a Christine Herold ze Załomja. Tydžeń pozdžišo, póndźelu, 18. měrca změje Susanne Bühl z Würzburga zawodne słowa k temje „Cyrkej je wjace hač wosada na přikładze St. Egidio“. A póndźelu, 25. měrca, porěčitaj referentaj Michael Funke z Lipska a farar Sebastian Zehme z Großenhaina k temje „Wosada pyta nowe puće w Lipsku a Großenhainje“. Seminary, kotrež započnu so stajnje w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

Program k projektej „Swětło pozbudža“

Póstne přédowanje z wuměłcom Ludgerom Hinsu budže tutu njedźelu, 10. měrca, w 15 hodź. w tachantskej cyrkwi. Tomu přizamknje so rozmołwa z nim. W Marije-Marcínej cyrkwi zaklinči tón džeń we 18 hodź. Pasionki nyšpor. Hudźbny nawod změje cyrkwiniski hudźbny direktor Michael Vetter. Dalše terminy k tutomu projektej Katolski Posoł poněčim wozjewi. K tomu słuša rjad póstnych seminarow w Smochčanskim Domje biskopa Bena. Tón zahaji so tam póndźelu, 11. měrca, w 19.30 hodź.

Na komplet přeprošuja za pjatk, 15. měrca, do tachantskeje cyrkwyje. Duchowna hudźba z gospelowym chórom „groove B“ z Crimmitschauwa budže sobotu, 16. měrca, w 17 hodź. w Michałskej cyrkwyje.

Druhu póstnu njedźelu, 17. měrca, w 15 hodź. je zaso póstne přédowanje, tónraz w klóšterku z jezuitskim patrom Johannesom Jeranom z Drježdźan. We 18 hodź. wotměje so w Marije-Marcínej cyrkwi pasionska vesper. Hudźbny nawod změje Yuko Ikeda. Cyłkowny program je pod www.posol.de wozjewjeny.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 19. měrca, w 14 hodź. do Domu biskopa Bena w Smochćicach přeprošeni. Zajimcy njech so prošu hač do póndžele, 11. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóż chce wotewzaty być, njech to prošu zdžěli. Dalši zajimcy su wutrobnje witani. Njech přinjesu sej wšitcy Wosadnik sobu.

Zhromadny džeń za 3. do 5. lětnik

Dekanatne dušepastyrstwo přeprošuje džěci 3. do 5. lětnika sobotu, 23. měrca, wot 9.00 do 15.00 hodź. na zhromadny džeń do Don Boskoweho domu we Worklecach. Zajimcy njech so prošu hač do wutory, 19. měrca, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Młodźina zetka so w Chróścicach

Zhromadne wječorne modlenje dekanatneje młodźiny je přichodnu sobotu, 16. měrca, w 20 hodź. w Chróścicach. Přizamknje so přednošk Tomaša Pěčki wo jeho dožiwjenjach na Swětowym zetkanju młodźiny w Panamje.

Na třeci Měrowy swjedžen do Wostrowca!

We Wostrowcu přewjedu wot štwórtka do soboty, 21. do 23. měrca, mjeztym třeci měrowy swjedžen. Z nim ma so znova znamjo za demokratiju, swětawotewrjenosć, tolerantnosć a měr postajić. Towarstwo Cyrila a Metoda z.t. přepróšuje Serbow, zo bychu sej sobotu, 23. měrca, wot popołnja hač do wječora do Wostrowca doješli. W 20 hodź. wotměje so tam hodžinu trajaca diskusija w rjedže „Sakski konopej“. Zajimcy, kotřiž chcyli něhdže w 17 hodź. sobu do Wostrowca wotjěć, měli so w redakciji Katolskeho Posoła hač do wutory, 19. měrca, pod telefonowym čislom (0 35 91) 55 02 10 přizjewić. Wjece informacijow su pod www.ostritzer-friedensfest.de wozjewjene.

Serbske kemše w Drježdžanach

Drježdžanscy Serbja su na maćernorěčnu Božu mšu njedzeli, 24. měrca, w 16.00 hodź. do cyrkwy swjateho Antonija w Drježdžanach-Löbtauwe, Bünauska hasa 10, přepróšeni. Kemše změje farar Gabriš Nawka. Božej mši přizamknje so zetkanje w tamnišej wosadnicy.

Předstajenja komedije „Čepłski recept“

Serbska lajska dźiwadłowa skupina Chróścicy z.t. předstaji swoju komediju „Čepłski recept“ tutu njedzeli, 10. měrca w 16.00 hodź. w Njebjelčanskej „Bjesadze“. Dalše předstajenja su njedzeli, 17. měrca, w 16.00 hodź. w Radworskej „Meji“, njedzeli, 24. měrca, w 16.00 hodź. w Haslowje pola Bizoldec a njedzeli, 31. měrca, w 16.00 hodź. w Šunowskej Fabrikskej hospodže. Wšitcy zajimcy su wutrobnje wítani.

Maćična akademija

Slawist Julian Nyča přednošuje štwórtk, 14. měrca, w 19.30 hodź. w Budyskim hosćencu „Wjelbik“, Žitna 7, na temu „„Horjekach je wótcny kraj!“ – Wopomnjenska kultura w dwurěčnej Łužicy po Přernej swětowej wójnje“. Přednošk budže w serbskej rěči, zastup je darmotny. Stawizniska sekcija Maćicy Serbskeje wšitkich zajimcow wutrobnje přepróšuje.

Putniska jězba do Ukrainy

Putniska jězba do ukrainskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu svojich stawiznow přežiwiło pólske, rakuske, sowjetske a němske knjejstwo. Wobdžělmy so na přikład na Božej mši po grjeksko-katolskim wobrjedže a wobhladamy sej katolsku uniwersitu. Dokładny program móža sej zajimcy pod www.posol.de wobhladać. Přizjewjenja su móžne pola Šmitec wozydłownistwa w Radworju, telefonowe čisło (03 59 35) 28 60. *T. Kubašec*

Putnikowanja z busom a lětađlom

Tež lětsa přepróšuju zaso zajimcow na putniske jězby. Přerňa powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađlom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobnije informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2. *Maćij Hadank*